

傅青主男科

建档：台北市立中医医院 程惠政医师

傅青主男科卷上

阳曲傅青主先生手着 江都郭锺岳校刊

1=标题= 伤寒

初病说

凡病初起之时。用药原易奏功，无如世人看不清症，用药错乱，往往致变症蜂起，苟看病清，用药当，何变症之有。

伤风

（按古方书皆曰中风今曰伤风）

凡人初伤风，必然头痛身痛，咳嗽痰多，鼻流清水，切其脉必浮，方用荆芥防风、柴、胡、黄、芩、半、夏、甘草各等分（，水煎服，一剂即止，不必再剂也。

伤寒

凡伤寒初起，鼻塞目痛，项强头痛，切其脉必浮紧，方用桂枝、乾葛、陈皮、甘草各等分，水煎服，一剂即愈。

外感

（外感之发热，卫气外闭也，内伤之发热，营气内损也，外感热在皮毛，内伤热在骨髓，治法不同，内伤发热方见下）凡人外感，必然发热，方用

柴胡、黄芩、荆芥、半夏、甘草各等分，水煎服。

四时不正之气，来犯人身，必然由皮毛而入荣卫，故用柴胡、荆芥，先散皮毛之邪，邪既先散，安得入内，又有半夏以祛痰，使邪不得挟痰以作祟，黄芩以清火，使邪不得挟火以作殃，甘草调药以和中，是以邪散而无伤於正气也，若内伤之发热，则不可用此方。

伤食

凡伤食必心中饱闷，见食则恶，食之转痛也，方用

白术 茯苓 枳壳（各壹钱）谷芽 麦芽（各贰钱）山楂（贰拾个）神曲（伍钱）半夏（壹钱）甘草（伍分）砂仁（叁粒）水煎服，一剂快，二剂愈。

疟疾方用遇仙丹

（此方丸之大小，未曾定分两，愚酌以壹钱为准，南方之人，以及老弱久疟，尤宜减半）生军（陆两）槟榔 三棱 莪术 黑丑 白丑（各叁两）木香（贰两）甘草（壹两）水丸，遇发日清晨，温水化三四丸，寻以温米饮补之，忌生冷鱼腥荞面，孕妇勿服。

伤暑

人感此症，必然头晕口渴恶热，甚则痰多，身热气喘方用

人参（壹钱）白术（伍钱）茯苓（叁钱）甘草（壹钱）青蒿（壹两）香薷（三钱）陈皮（壹钱）水煎服，一剂愈。

大满

此邪在上焦，壅塞而不得散也，方用

瓜蒌（壹个捣碎）枳壳 天花粉（各叁钱）栀子（贰钱）陈皮（叁钱）厚朴（壹钱伍分）半夏 甘草（各壹钱）水煎服。此方之妙，全在用瓜蒌，能去胸膈之食，而消上焦之痰，况又佐以枳壳花粉，同是消中圣药，又有厚朴半夏，以消胃口之痰，尤妙在甘草，使群药留中而不速下，则邪气不能久存而散矣。

发汗

凡人邪居腠理之间，必须用汗药以泄之，方用

荆芥 防风 甘草 桔梗 苏叶（各壹钱）白术（五钱）云苓（叁钱）陈皮（五分）水煎服，此方妙在君白术，盖人之脾胃健，而後皮毛腠理始得开合自如，白术健脾去湿，而邪已难存，况有荆防苏梗以表散之乎。（

寒热真假辨

真热症，口乾极而呼水，舌燥极而开裂，生刺喉痛，日夜不已，大热烙手而无汗也，真寒症手足寒久而不回，色变青紫，身战不已，口噤出声而不可禁也。假热症，口虽渴而不甚，舌虽乾而不燥，即燥而无芒刺纹裂也。假寒症，手足冰冷，而有时温和厥逆身战。亦未太甚，而有时而安，有时而搐是也。

乍寒乍热辨

（玩此可知治症有用小柴胡汤之法）

病有 渐恶寒而後发热者，盖阴脉不足，阳往从之，阳脉不足，阴往乘之，何谓阳不足，寸脉微，名曰阳不足，阴气上入阳中，则恶寒也，何谓阴不足，尺脉弱，名曰阴不足，阳气下陷阴中，则发热也，凡治寒热，用柴胡升阳气，使不下陷阴中，则不热也，用黄芩降阴气，使不升入阳中，则不寒也。

真热症方用

麻黄 黄连 黄芩 石膏 知母 半夏（各叁钱）当归（伍钱）枳壳（贰钱）甘草（壹钱）水煎服，一剂轻二剂愈。

真寒症方用

附子（叁钱）肉桂 乾姜（各壹钱）白术（五钱）人参（壹两）水煎服急救之。此乃真中寒邪，肾火避出躯壳之外，而阴邪之气，直犯心宫，心君不守，肝气无依，乃发战发噤，手足现青色，然则用桂附乾姜逐其寒邪足矣，何用叁术即用何至多加，盖元阳飞越，一线之气未绝，纯用桂附乾姜一派辛辣之药，邪虽外逐，而正气垂绝，若不多加叁术，何以反正气於若存若亡之际哉。

假热症方用

黄连 当归 白芍 半夏（各叁钱）茯苓 柴胡 栀子（各贰钱）枳壳（壹钱）菖蒲（叁分）水煎服。此方妙在用黄连入心宫，佐以栀子，提刀直入，无邪不散，柴胡白芍，又塞敌运粮之道，半夏枳壳，斩杀党馀，中原既定，四隅不战而归，然火势居中，非用之得法，则贼势弭张，依然复入，又加菖蒲之辛热，乘热饮之，则热喜热，不致相反而更相济也。

假寒症方用

肉桂 附子（各壹钱）人参（叁钱）白术（五钱）猪胆汁（半个）苦菜汁（拾叁匙）水三杯，煎一杯，冷服将药并器放冷水中，激凉入胆蔡汁调匀，一气服之，方中全是热药，倘服不如式，必然虚火上冲，将药呕出，必热药凉服，已足顺其性，况下行又有二汁之苦，以骗其假道之防也哉。

真热假寒

此症身外冰冷，身内火炽，发寒发热，战栗不已，乃真热反现假寒之象以欺人也，法当用三黄汤加石膏生姜，乘热饮之，再用井水以扑其心，至二三十次，内热自止，外之战栗亦若失矣，後用元叁麦冬白芍各二两煎汤，任其恣饮，後不再甚也。

真寒假热

此症下部冰冷，上部大热，渴欲饮水，下喉即吐，乃真寒反现假热之形以欺人也，法当用八味汤，大剂探冷与服，再令人以手擦其足心，如火之热，不热不已，以大热为度，用吴萸一两，附子一钱，麝香三分，以少许白面入之，打糊作膏，贴足心，少顷必睡，醒来下部热，而上之火息矣。

上热下寒

此症上焦火盛，吐痰如涌泉，面赤喉痛，上身不欲盖衣，而下身冰冷，此上假热而下真寒也，方用附子（壹个）熟地（半斛）山萸（肆两）麦冬（壹两）茯苓（三两）五味子（壹两）丹皮（叁两）泽泻（叁两）肉桂（壹两）水十碗煎三碗，探冷与服，其渣再用水三碗，煎一碗，一气服之，立刻安静，此上病下治之法也。

循衣撮空

此症非大实则大虚，当审其因，察其脉，叁其症而分黑白矣，实而便秘者，大承气汤，虚而便滑者，独叁汤，厥逆者加附子，

阴虚双蛾方用

附子（壹钱）盐水炒，每用一片含口中，後以六味地黄汤，大剂饮之，附外治法引火下行，用附子一个为末，醋调贴涌泉穴，或吴萸一两，白面五钱水调贴涌泉穴，急针刺少商穴，则咽喉有一线之路矣。

结胸

此伤寒之变症也，伤寒邪火正炽，不可急於饮食，饮食而成此者，方用

瓜蒌（壹个捶碎）甘草（壹钱）水煎服，勿迟，

瓜蒌乃结胸之圣药，常人服之，必至心如遗若，病人服之，不畏其虚乎，不知结胸之症，是食在胸中，非大黄枳壳槟榔厚朴所能逐，必得瓜蒌，始得推荡辟脾，少加甘草以和之，不致十分猛烈也，扶正散邪汤

人参 半夏 甘草（各壹钱）白术 茯苓 柴胡（各叁钱）水煎服，此方专治正气虚而邪气入之者，如头痛发热，右寸脉大於左寸口者，急以此方投之，无不全愈。

1=标题= 火症

泻火汤总方

梔子 丹皮（各叁钱）白芍（五钱）元叁（贰钱）甘草（壹钱）水煎服，心火加黄连一钱，胃火加生石膏三钱，肾火加黄柏知母各一钱，肺火加黄芩一钱，大肠火加地榆一钱，小肠火加天冬麦冬各一钱，膀胱火加泽泻三钱，治火何独治肝经，盖肝属木，最易生火，肝火散，则诸经之火俱散，但

散火必须用下泄之药，而使火之有出路也则得矣。

火症

真火症，初起必大渴引饮，身有斑点，或身热如焚，或发狂乱语，方用 石膏 知母 升麻 半夏 甘草（各叁钱）元叁 麦冬（各壹两）竹叶（壹伯片）水煎服，一剂少止，三剂愈。”大寒之症亦有发斑者，但看其渴与不渴，若身发斑不渴，小饮即吐饮虽沸汤不觉甚热，此大寒症，不可与此（

火越

此乃胃火与肝火共腾，而外越不为丹毒，即为痧疹，非他火也，方用

元叁（壹两）乾葛（叁两）升麻 青蒿 黄（各叁钱）水煎服，此方妙在用青蒿，肝胃之火俱平，又佐以群药重剂，而火安有不灭者乎，（治小儿亦效）

燥症

此症初起，喉乾口渴，乾燥不吐，痰乾咳嗽不已，面色日红，不畏风吹者是也，方用麦冬 元叁（各伍钱）桔梗（叁钱）花粉 甘草（各壹钱）陈皮（叁分）百部（捌分）水煎服。

治火丹神方

丝瓜子 元叁（各壹两）柴胡 升麻（各壹钱）当归（伍钱）水煎服 小儿服之亦效

消食病

此火盛之症，大渴引饮，呼水自救，朝食即饥，或夜食不止，方用

元叁（壹两）麦冬（伍钱）生地（叁钱）竹叶（叁拾片）菊花 白芥子 丹皮（各贰钱）陈皮（伍分）水煎服。

痿症

不能起床，已成废人者，此乃火盛内炽，肾水熬乾，治法宜降胃火而补肾水。方用降补汤。熟地 元叁 麦冬（各壹两）甘菊花 生地 沙叁 地骨皮（各伍钱）车前子（贰钱）人参（叁钱）水煎服。

痿症

人有两足无力，不能起立，而口又健饭，少饥则头面皆热，咳嗽不已，此亦痿症，方用起痿至神汤。熟地 元叁 山药 菊花（各壹两）当归 白芍 人参（各伍钱）神曲（贰钱）白芥子（叁钱）水煎服，三十剂而愈

1=标题= 郁结

开郁

如人头痛身热，伤风咳嗽，或心不爽，而郁气蕴於中怀，或气不舒，而怒气留於胁下，断不可用补药，方用 当归（叁钱）白芍（伍钱）半夏（贰钱）枳壳 薄荷 白术 丹皮 甘草（各壹钱）水煎服。头痛加川芎一钱，目痛加蒺藜一钱，菊花一钱，鼻塞加苏叶一钱，喉痛加桔梗二钱，肩背痛加枳壳羌活，两手痛加姜黄或桂枝一钱，腹痛不可按者，加大黄二钱，按之而不痛者，加肉桂（壹钱），餘不必加。

关格

怒气伤肝，而肝气冲於胃口之间，肾气不得上行，肺气不得下行，而成此症，以开郁为主，方用荆芥 柴胡 川郁金 茯苓 苏子 白芥子 花粉（各壹钱）白芍（叁钱）甘草（伍分）水煎服，又方用 阴阳水各一碗，加盐一撮，打百馀下，起泡，饮之即吐而愈，凡上焦有疾，欲吐而不能吐者，饮之立

吐，

1=标题= 虚劳

癆症虚损辨

二症外相似而治法不同，虚损者，阴阳两虚也，劳症者，阴虚阳亢也，故虚损可用温补，若劳症则忌温补而用清补也，两症辨法不必凭脉，但看人着复衣，此着单衣者为劳症，人着单衣，此着复衣者为虚损，劳症骨蒸而热，虚损营卫虚而热也，

内伤发热方用

当归 柴胡 陈皮 梔子 甘草（各壹钱）白芍 花粉（各贰钱）水煎服，凡肝木郁者，此方一剂即快，人病发热，有内伤外感，必先散其邪气，邪退而後补正，则正不为邪所伤也，但外感内伤，不可用一方也，外感发热方见前

未成劳而将成劳方用

熟地（壹两）地骨皮 人参 麦冬（各伍钱）白芥子 山药（各叁钱）白术（壹钱）五味子（叁分）水煎服。凡人右寸脉大於左寸，即内伤之症，不论左右关尺脉何如，以此方投之效验。

阳虚下陷

凡人饥饱劳役，内伤正气，以致气乃下行，脾胃不能克化，饮食不能运动，往往变为劳瘵，盖疑饮食不进为脾胃之病，肉黍之积，轻则砂仁、枳壳、山楂、麦芽之品，重则芒硝、大黄、牵牛巴豆之类，纷然杂进，必致臃闷而渐成劳矣，若先以升提之药治之，何至於成劳，方用 人参 柴胡 陈皮 甘草（各壹钱）升麻（三分）黄 白术（各叁钱）水煎服。

阴虚下陷

凡人阴虚脾泄，岁久不止，或食而不化，或化而溏泄，方用 熟地（壹两）山药 山萸 白术（各伍钱）茯苓（叁钱）升麻（叁分）肉桂 五味子 车前子（各壹钱）水煎晚服。此方纯是补阴之药，且有升麻以提阴中之气，又有温湿之品以暖命门而健脾土，何至溏泄哉。”此症每至腿脚发踵，稍多饮食即便蛔虫，乃脾阴虚陷已极，方宜加入乾姜、乌梅（

阴虚火动夜热昼寒

此肾水虚兼感寒，或肾水亏竭，夜热昼寒，若认作阳症治之，则口渴而热益炽，必致消尽阴水，吐痰如絮，咳嗽不已，声哑声嘶，变成劳瘵，法当峻补其阴，则阴水足而火焰消，骨髓清泰矣，方用 熟地 元参（各壹两）山萸 地骨皮 芡实（各伍钱）五味子 麦冬 沙参 白芥子（各叁钱）桑叶（拾肆片）水煎服。此方治阴虚火动者神效，阴寒无火方用 肉桂 柴胡（各壹钱）熟地（壹两）附子 白术 人参（各叁钱）水煎服，二方治阴之中，即有以治阳，治阳之中，即藏於补阴。”此两方似六味八味地黄，而上方之白芥，桑叶，下方之柴胡，其妙用有过于地黄丸之丹，泽者，用者不可以意加减也（

过劳

凡人过劳，脉必浮大不伦，若不安闲作息，必有吐血之症，法当滋补，方用 熟地 黄 白芍 白术（各伍两）山萸肆两 人参 茯苓 五味子 麦冬（各叁两）神曲（壹两）砂仁 陈皮 当归（半斛）蜜丸，早晚滚水送下五钱，

日重夜轻

病重於日間，而发寒发热，较夜尤重，此症必须从天未明而先截之，方用人参 枳壳 青皮 陈皮 半夏 甘草（各壹钱）黄 白术（各伍钱）当归（叁钱）柴胡（叁钱）乾姜（五分）水煎服。又方 熟地（壹两）人参 陈皮 白芥子 甘草（各壹钱）白术（伍钱）柴胡（贰钱）水煎服。

夜重日轻

病重於夜间，而发热发寒，或寒少热多，或热少寒多，一到天明，便觉清爽一到黄昏，即觉沉重，此阴气虚甚也，方用 熟地（壹两）山萸（肆钱）当归 白芍 柴胡 生何首乌 麦冬 白芥子（各叁钱）鳖甲（伍钱）五味子 陈皮（各壹钱）水煎服，此方妙在用鳖甲，乃至阴之物，逢阴则入，遇阳则转，生何首乌直入阴经，亦攻邪气，白芥子去痰，又不耗真阴之气，有不奏功者乎，必须将黄昏时服，则阴气固，而邪气不敢入矣。

阴邪兼阳邪

此症亦发於夜间，亦发寒发热，无异纯阴邪气之症，但少少烦躁耳，不若阴症之常静也，法当於补阴之中，少加阳药一二味，使阳长阴消，自奏功如响矣，方用 熟地（壹两）山萸（肆钱）鳖甲 茯苓（各伍钱）当归 白术 白芥子 麦冬 五味子 生何首乌（各叁钱）人参 柴胡（各贰钱）陈皮（壹钱）水煎服。

气血两虚

饮食不进，形容枯槁，补其气血益燥，补其血气益馁，助胃气而盗汗难止，补血脉而胸膈阻滞，法当气血同治，方用 人参 白术 川芎 谷芽（各壹钱）麦冬（伍钱）甘草（捌分）当归 茯苓（各贰钱）熟地 白芍（各叁钱）陈皮 神曲（各伍分）水煎服，此治气血两补，与八珍汤同功，而胜於八珍汤者，妙在补中有调和之法耳。

气虚胃虚

人有病久而气虚者，必身体 弱，饮食不进，或大便溏泄，小便艰涩，方用 人参（壹两）白术（伍钱）茯苓（叁钱）甘草 陈皮 车前子 泽泻（各壹钱）水煎服，此方用人参为君者，开其胃气，盖胃为肾之关，关门不开，则上之饮食不能进，下之糟粕不能化，必用人参以养胃土，茯苓车前以分消水气，如服此不效，兼服八味丸，最能实大肠而利膀胱也。

气虚饮食不消

饮食入胃，必须气充足，始能消化而生津液，今饮食不消，气虚也，方用 人参（贰钱）黄 白术 茯苓 甘草（各叁钱）神曲 麦芽 陈皮（各伍分）山楂（叁个）水煎服。伤食加来服子，有痰加半夏白芥子，各一钱，咳嗽加苏子一钱，桔梗二钱，伤风加柴胡二钱，夜卧不安，加炒枣仁二钱，胸中微痛，加枳壳五分，方内纯是开胃之品，又恐饮食难消，後加消导之品，则饮食化而津液生矣，

血虚面色黄瘦

出汗盗汗，夜卧常醒，不能润色以养筋是也，血虚自当补血，舍四物汤又何求耶，今不用四物汤，用 熟地（壹两）麦冬 枸杞（各叁钱）当归（伍钱）茜草（壹钱）桑叶（拾片）水煎服。此方妙在用桑叶，以补阴而生血，又妙在加茜草，则血得活而益生，况又济之归地麦冬大剂，以共生乎。

肺脾双亏

咳嗽不已，吐泻不已，此肺脾受伤也，人以咳嗽宜治肺，吐泻宜治脾，殊不知咳嗽由於脾气之衰，斡旋之令不行，则上为咳嗽矣，吐泻由於肺气之弱，清肃之令不行，始上吐而下泻矣，方用 人参

（壹钱伍分）麦冬 茯苓（各贰钱）车前子 甘草（各壹钱）柴胡 神曲 薏仁（各伍分）水煎服，此治脾治肺之药，合而用之，咳嗽吐泻之病各愈，所谓一方而两用之也。

肝肾两虚

肾水亏不能滋肝，则肝木抑郁而不舒，必有两胁饱闷之症，肝木不能生肾中之火，则肾水日寒，必有腰背难以俯仰之症，此症必须肝肾同补，方用 熟地（壹两）山萸 当归 白芍（各伍钱）柴胡（贰钱）肉桂（壹钱）水煎服。熟地、山萸，补肾之药，归、芍、柴、桂，补肝之品，既云平补，似乎用药不宜有重轻，今补肝之药多於补肾者何，盖肾为肝之母，肝又为命门之母，岂有木旺而不生命门之火者哉。

心肾不交

肾，水藏也，心，火藏也，是心肾二经，为仇敌矣，似不可牵连而合治之也，不知心肾相克而实相须，肾无心之火则水寒，心无肾之水则火炽，心必得肾水以滋润，肾必得心火以温暖，如人惊惕不安，梦遗精泄，皆心肾不交之故，人以惊惕为心之病，我以为肾之病，人以梦泄为肾之病，我以为心之病，非颠倒也，实有至理焉，人果细心思之，自然明白，方用 熟地 白术（各伍两）山萸 人参 茯神 枣仁炒 麦冬 柏子仁（各叁两）远志 菖蒲 五味子（各壹两）山药（叁钱）芡实（伍钱）蜜丸，每早晚温水送下五钱，此方之妙，治肾之药，少於治心之味，盖心君谧静，肾气自安，何至心动，此治肾正所以治心，治心即所以治肾也，所谓心肾相依。

精滑梦遗

此症人以为肾虚也，不独肾病也，心病也，宜心肾兼治，方用 熟地（半斛）山药 肉桂 鹿茸 炒枣仁 远志 杜仲 柏子仁 破故纸 五味子（各壹两）山萸 白术（各肆两）人参 茯苓 麦冬 白芍 巴戟 肉苁蓉（各叁两）紫河车（壹副）砂仁（伍钱）附子（壹钱）蜜丸，早晚白水送下五钱，此方用熟地山药山萸之类，补肾也，巴戟、肉苁蓉、附子、鹿茸，补肾中之火也，可以已矣，而又必加人参茯苓柏子仁麦冬远志枣仁者何也，盖肾火虚，由於心火虚也，使补肾火不补心火，则反增上焦枯渴，故欲补肾火，必须补心火，则水火相济也。

夜梦遗精

此症由於肾水耗竭，上不能通於心，中不能润於肝，下不能生於脾，以致玉关不闭，无梦且遗，法当补肾而少佐以益心肝脾之品，方用 熟地（壹两）山萸（肆钱）茯苓 白芍 生枣仁 当归 薏仁（各叁钱）白术（伍钱）茯神（贰钱）五味子 白芥子（各壹钱）肉桂 黄连（各伍分）水煎服，一剂止，十剂不犯。

遗精健忘

遗精，下病也，健忘，上病也，何以合治之而咸当乎，盖遗精虽是肾水之虚，而实本於君火之弱，今补其心君，则玉关不必闭而自闭矣，所谓一举而两得也，方用 人参 芡实 麦冬 生枣仁 当归 山萸（各叁两）莲须（贰两）熟地（伍两）山药（肆两）柏子仁去油 远志 菖蒲 五味子（各壹两）蜜丸，每日服五钱，白水下。

倒饱中满

气虚不能食，食则倒满，方用 人参 来服子 甘草（各壹钱）白术（贰钱）茯苓 山药（各叁钱）芡实 薏仁（各五钱）陈皮（叁分）水煎服 下喉虽则微胀，入腹渐觉爽快。

久虚缓补

久虚之人，气息奄奄，无不曰宜急治矣，不知气血大虚，骤加大补之剂，力量难任，必致胃口转膨胀，不如缓缓清补之也，方用 当归 茯苓 山药（各壹钱）白芍（贰钱）白术 枣仁（各伍分）人参 陈皮 麦芽 炮姜 甘草（各叁分）水煎服，此方妙在以白芍为君，引叁苓入肝为佐，小小使令，徐徐奏功，使脾气渐实，胃口渐开，然後再用纯补之剂，先宜缓补之也，”如久饿之人，骤投以饭则饱死，须以薄粥徐徐饮之，同是一理（

补气

右手脉大，气分之劳也，方用补气丸。人参 黄 白芍（各三两），茯苓（肆两）白术（半斛）陈皮 五味子 白芥子 远志（各壹两）麦冬（贰两）炙甘草（捌钱）蜜丸，早服五钱，白水下。

补血

左手脉大，血分之劳也，方用补血丸 熟地 白芍（各半斛）山萸 当归（各肆两）枣仁 麦冬 白芥子 五味子（壹钱）砂仁 肉桂（各伍钱）蜜丸，晚服一两，白水下，如身热，去肉桂加地骨皮五钱。

出汗

人有病不宜汗多，若过出汗，恐其亡阳，不可不用药以敛之，方用 人参 黄 当归（各壹两）桑叶（伍片）麦冬（叁钱）炒枣仁（壹钱）水煎服。

癆症

癆症既成，最难治者，必有虫生之以食人之气血也，若徒补其气血，而不入杀虫之药，则饮食入胃，荫虫而不生气血，若但杀虫而不补气血，则五藏俱受伤，又何有生理哉，惟於大补之中，加杀虫之药，则元气既全，真阳未散，虫死而身安矣，方用 熟地 地栗粉 何首乌（各半斛）鳖甲 山药（各壹斛）神曲 麦冬（各伍两）桑叶（半斛）人参 白微（各叁两）熟地为丸，每日白水送下五钱，半年虫从大便出矣。

1=标题= 痰嗽

古人所立治痰之法，皆是治痰之标，而不能治其本也，如二陈汤，上中下久暂之痰皆治之，而其实无实效也，今立三方，痰病总不出其范围也。

初病之痰

伤风咳嗽吐痰是也，方用 陈皮 半夏 花粉 茯苓 苏子 甘草（各壹钱）水煎服。二剂而痰可消矣，此去上焦之痰，上焦之痰，原在胃中而不在肺，去其胃中之痰，而肺自然清肃，又何致火之上升哉。”此症医治不善，极易成劳，缘痰嗽皆责之於肺，伤风痰嗽是风伤肺也，若发散燥痰太过，则肺不敛必嗽愈甚，而上呛血丝，久则肺伤而肾炽，若寒凉滋润太过，则肺不舒必痰愈多，而气喘声痿，久则金冷而水寒，此方无此二弊，愿病者勿以小病而忽之也。（

已病之痰

必观其色之白与黄而辨之，黄者火已退也，白者火正炽也，正炽者用寒凉之品，将退者用 逐之味，今一方而俱治之，方用 白术 白芥子（各叁钱）茯苓（伍钱）陈皮 甘草（各壹钱）枳壳（伍分）水煎服，有火加梔子，无火不必加。此方健脾去湿，治痰之在中焦者，也又方 白术 茯苓 薏仁至义尽（各五钱）陈皮（壹钱）益智（叁分）水煎服。有火加黄芩一钱，无火加乾姜一钱，甘草二分。此方健脾去湿而不耗气，二剂而痰自消也。

久病之痰

久病痰多，切不可作脾湿生痰论之，盖久病不愈，未有不因肾水亏损者也，非肾水泛上为痰，即肾火沸腾为痰，当补肾以逐之，方用 熟地 薏仁（各壹两）山药 山萸 麦冬 芡实（各伍钱）五味子 茯苓（各叁钱）益智仁（贰钱）车前子（壹钱）水煎服，此治水泛为痰之圣药也，若火沸腾为痰，加肉桂一钱，补肾去湿而化痰，水入肾宫，自变为真精而不化痰矣，此治下焦之痰也，又方六味地黄汤，加麦冬五味子，实有奇功，无火加桂附。

滞痰

夫痰之滞，乃气之滞也，不补气，而惟去其痰，未见痰去而病消也，方用 人参 陈皮 花粉 白芥子（各壹钱）白术（贰钱）茯苓（叁钱）苏子（捌分）白蔻仁（贰粒）水煎服。

湿痰

治痰之法，不可徒去其湿，必以补气为先，而佐以化痰之品，乃克有效，方用 人参壹两 茯苓 半夏 神曲（各叁钱）薏仁（伍钱）陈皮 甘草（各壹钱）水煎服，盖此方之中用神曲，人多不识，谓神曲乃消食之味，绝非化痰之品，不知痰之积聚稠粘，甚不易化，惟用此神曲以发之，则积聚稠粘开矣，继之以半夏、陈皮，可以奏功，然虽有陈半夏消痰，使不多用人参，则痰难消，今有人参以助气，又有薏仁茯苓，健脾去湿，而痰焉有不消者乎。

寒痰

人有气虚而痰寒者，即用前方加肉桂三钱、乾姜五分足之矣。

热痰

人有气虚而痰热者，方用 当归叁钱 白芍 麦冬 茯苓（各贰钱）甘草 白芥子 花粉 陈皮（各壹钱）神曲（叁分）水煎服。

老痰

凡痰在胸膈不化者，谓之老痰，方用 柴胡 茯苓 甘草 陈皮 丹皮 花粉（各壹钱）白芍 薏仁（各壹钱）白芥子（伍钱）水煎服。此方妙在百芥子为君，薏仁、白芍为臣，柴胡、花粉为佐，使老痰无处可藏，十剂而老痰可化矣。

顽痰

痰成而塞咽喉者，谓之顽痰，方用 贝母 半夏 茯苓（各叁钱）白术（伍钱）神曲（贰钱）甘草 桔梗 白矾 炙紫苑（各壹钱）水煎服。此方妙在贝母半夏同用，一燥一湿，使痰无处逃避，又有白矾消块，梗苑去邪，甘草调中，有不奏功者乎。

水泛为痰

肾中之水，有火则安，无火则泛，倘人过於入房，则水去而火亦去，久之则水虚而火亦虚，水无可藏之地，必泛上为痰矣，治之法，欲抑水之下降，必先使火之下温，当於补肾之中，加大热之药，使水足以制火，火足以暖水，则水火有既济之道，自不上泛为痰矣，方用 熟地（壹两）山萸（伍钱）肉桂（贰钱）牛膝（叁钱）五味子（壹钱）水煎服，一剂而痰下行矣，二剂而痰自消矣。

中气又中痰

中气中痰，虽若中之异，而实中於气之虚也，气虚自然多痰，痰多必然耗气，虽分而实合也，方用 人参 甘草（各壹两）半夏、南星 茯苓（各叁钱）附子（壹钱）水煎服。人参原是气分之神剂，而

亦消痰之妙药，半夏南星，虽逐痰之神品，而亦扶气之正药，附子甘草，一仁一勇，相济而成。

湿嗽

秋伤於湿，若用乌梅栗壳等味，断乎不效，方用 陈皮 当归 甘草 枳壳 桔梗（各壹钱）白术（贰钱）水煎服。三剂帖然矣，冬嗽皆秋伤於湿也，岂可拘於受寒乎。久嗽方用 人参（伍钱）益智仁（伍分）白芍 枣仁（各叁钱）五味子 白芥子（各壹钱）水煎服。二剂後，服六味地黄丸。久嗽方用 瓜蒌仁（去油）乌梅（各伍钱）薄荷 甘草（各伍分）人参（童便浸）五味子（酒蒸）寒水石火煨 杏仁 硼砂（各壹钱）贝母（叁两）胡桃仁（贰钱去油）蜜丸樱桃大，净绵包之，口中噙化，虚劳未曾失血，脉未数者，皆用之，无论老少神曲效，十粒见功，二十粒愈，又方用 人参当归细茶各一钱，水煎，连渣嚼尽，一二剂即愈。

肺嗽兼补肾

肺嗽之症，本是肺虚，其补肺也明矣，奈何兼补肾乎，盖肺经之气，夜必归於肾，若肺金为心火所伤，必求救於其子，子若力量不足，将何以救其母哉，方用 熟地 麦冬（各壹钱）紫苑（伍分）山萸（肆钱）元参（伍钱）苏子 牛膝（各壹钱）沙参 天冬（各贰钱）水煎服。

1=标题= 喘症

气治法

气虚气实，不可不平之也，气实者非气实，乃正气虚而邪气实也，法当用补正之药，而加 逐之品，则正气足而邪气消矣，方用 人参 白术 麻黄 半夏 甘草（各壹钱）柴胡（贰钱）白芍（叁钱）水煎服。推而广之，治气非一条也，气陷 补中益气汤可用，气衰 六君子汤可采，气寒 人参白术附子汤可施，气虚则用四君子汤，气郁则用归脾汤，气热用生脉散，气喘用独参汤，气动用二陈汤加人参，气壅塞用射干汤，气逆用逍遥散，气虚则羸弱，气实则壮盛，气虚用前方，实者另一方，白术 柴胡 甘草 梔子（各壹钱）茯苓（叁钱）白芍（贰钱）陈皮 枳壳（各伍分）山查（拾个）水煎服。

气喘

凡人气喘而上者，人以为气有馀也，殊不知气盛当作气虚看，有馀当作不足看，若认作肺气之盛，而用苏叶桔梗百部豆根之类，去生远矣，方用人参（叁两）牛膝（叁钱）熟地 麦冬（各伍钱）山萸（肆钱）胡桃（叁个）枸杞 五味子（各壹钱）生姜（伍片）水煎服，一此方不治肺，而正所以治肺也，或疑人参乃健脾土之药，既宜补肾，不宜多人参，不知肾水大虚，在一时不能遽生，非急补其气，则元阳一线必且断绝，况人参少用则泛上，多用即下行，妙在用人参三两，使下达病原，补气以生肾水，方中熟地、山萸之类，同气相求，直入命门，又何患其多哉，若病重之人，尤宜多加，但喘有初起之喘，有久病之喘，初起之喘多实邪，久病之喘多气虚，实邪喘者必抬肩，气虚喘者微微气息耳，此方治久病之喘，若初起之喘，四磨四七汤，一剂即止喘，不独肺气虚而肾水竭也。实喘方用 黄芩（贰钱）柴胡 甘草（各伍分）麦冬（叁钱）苏叶 乌药 半夏 山豆根（各壹钱）水煎服。一剂喘定，不必再剂也，凡实喘症，气大急，喉中必作声，肩必抬，似重而实轻也。

虚喘

大抵此等症，气少息，喉无声，肩不抬也，乃肾气大虚，脾气又复将绝，故奔冲而上，欲绝未绝也，方用救绝汤。人参 熟地（各一两）山萸（三钱）牛膝 五味子 白芥子（各一钱）麦冬（五钱）水

煎服。

气短似喘

此证似喘而非实喘也，若非实喘治之，立死，盖气短乃肾气虚耗，气冲上焦，壅塞於肺经不足之故也，方用人参（二两）熟地（一两）山萸 牛膝 补骨脂 枸杞（各三钱）麦冬（五钱）胡桃（三个去皮）五味子（二钱）水煎服，三剂气平喘定。此方妙在用人参之多，能下达气原，挽回於无何有之乡，又纯是补肺补肾之品，子母相生，水气自旺，则火气自安於故宅，不上冲於喉门矣。

抬肩大喘

人忽感风邪，寒入於肺，以致喘息肩抬气逆，痰吐不出，身不能卧，方用 柴胡 茯苓 麦冬 桔梗（各二钱）黄芩 当归 甘草 半夏 射干（各一钱）水煎服。此方妙在用柴胡射干桔梗，以发舒肺金之气，半夏以去痰，黄芩以去火，盖感寒邪，内必变为热证，故用黄芩以清解之，然徒用黄芩，虽曰清火，转足以遏抑其火，而火未必伏也，有射干桔梗柴胡一派辛散之品，则足以消火减邪矣。

肾寒气喘。

人有气喘不能卧，吐痰如涌泉者，舌不燥而喘不止，一卧即喘，此非外感之寒邪，乃肾中之寒气也，盖肾中无火，则水无所养，乃泛上而为痰，〔方用六味地黄汤〔，加桂附大剂饮之，盖人之卧，必肾气与肺气相安，而後河车之路，平安而无奔越也。

肾火扶肝上冲

凡人肾火，逆扶肝气而上冲，以致作喘，甚有吐红粉痰者，此又肾火炎，上以烧肺金，肺热不能克肝，而龙雷之火升腾矣，方用 沙参 地骨皮（各壹两）麦冬（伍钱）丹皮（叁钱）甘草（叁分）桔梗（伍分）白芍（伍钱）白芥子（贰钱）水煎服，此方妙在地骨皮清骨中之火，沙参丹皮以养阴，白芍平肝，麦冬清肺，甘草桔梗引入肺经，则痰消而喘定矣。

假热气喘吐痰

人有假热气喘吐痰者，人以为热而非热也，乃下元寒极，逼其火而上喘也，此最危急之症，不急补其肾水与命门之火，则一线之微，必然断绝，方用 熟地（肆两）山药 麦冬（各叁两）五味子 牛膝（各壹两）附子 肉桂（各壹钱）水煎冷服，一剂而愈，

喘嗽

人有喘而且嗽者，人以为气虚而有风痰也，谁知是气虚不能归源於肾，而肝木挟之作祟乎，法当峻补其肾，少助以引火之品，则气自归源於肾，而喘嗽俱止，方用 人参（壹两）熟地（贰两）麦冬（伍钱）茯苓（叁钱）牛膝 枸杞 白术 五味子 兔丝子（各壹钱）水煎服，连服几剂，必有大功，倘以四磨四七汤治之，则不效矣，贞元饮 此方专治喘而脉微涩者 熟地（叁两）当归（柒钱）甘草（壹钱）水煎服，妇人多此症。

1=标题= 吐血

阳症吐血

人有感暑伤气，忽然吐血盈盆，人以为阴虚也，不知阴虚吐血与阳虚不同，阴虚吐血，人安静无躁动，阳虚必大热作渴，欲饮冷水，舌必有刺，阴虚口不渴而舌胎滑也，法当清胃火，不必止血也，方用 人参 当归 香薷 石膏（各叁钱）荆芥（壹钱）青蒿（伍钱）水煎服。此方乃阳症吐血之神曲剂也，方中虽有解暑之品，然补正多於解暑，去香薷一味，实可同治，但此方 可用一二剂，即改

六味地黄汤。

大怒吐血

其吐也，或倾盆而出，或冲口而来，一时昏晕，死在顷刻，以止血治之，则气闷不安，以补血治之，则胸满不受，有变症蜂起而死者，不可不治之得法也，方用解血平气汤，白芍 当归（各贰两）炒荆芥 黑梔（各叁钱）红花（贰钱）柴胡（捌分）甘草（壹钱）水煎服。一剂而气平舒，二剂而血止息，三剂而病大愈，此症盖怒伤肝，不能平其气，以致吐血，若不先舒其气，而遽止血，则愈激动肝火之气，必气愈旺而血愈吐矣，方中用白芍平肝又舒气，荆芥柴胡引血归经，当归红花，生新去旧，安有不愈者哉。

吐血

此症人非以为火盛，即以为阴亏，用凉药以泻火，乃火愈退而血愈多，用滋阴之味，止血之品，仍不效，谁知是血不归经乎，治法当用补气之药，而佐以引血归经之味，不止血而血自止矣，方用 人叁（伍钱）当归（壹两）丹皮炒，黑芥穗（各叁钱）水煎服。一剂而止，此方妙在不专补血，而反去补气以补血，尤妙在不去止血，而去行血以止血，盖血逢寒则凝，逢散则归经，救死於呼吸之际，大有神曲功。”大凡吐血，多系不归经之血，因何腑何藏而发，腑藏之血，吐则立死，此自然之理也，火盛阴亏两层，世间误杀，奚止千百，寒凉滋阴之，轻则凝结而成病根，重则经阻而成乾血，此论此方，发菩提心，作当头棒喝也。（

吐白血

血未有不红者，何以名白血，不知久病之人，吐痰皆白沫，乃白血也，白沫何以名白血，以其状似蟹涎，无败痰存其中，实血而非痰也，若将所吐白沫，露於星光之下，一夜必变红矣，此沫出於肾，而肾火沸腾於咽喉，不得不吐者也，虽是白沫，而实肾中之精，岂特血而已哉，不速治，则白沫变为绿痰，无可如何矣，方用 熟地 麦冬（各壹两）山药 山萸 茯苓（各伍钱）丹皮 泽泻（各贰钱）五味子（壹钱）水煎，日日服之。

血不归经

凡人血不归经，或上或下，或四肢毛窍，各处出血，循行经络，外行於皮毛，中行於脏腑，内行於筋骨，上行於头目两手，下行於二便，一剂周身无非血路，一不归经，斯各处妄行，有孔则钻，有洞则泄，甚则呕吐，或见於皮毛，或出於齿缝，或渗於脐腹，或露於二便，皆宜顺其性以引之归经，方用 熟地 生地（各五钱）当归 白芍 麦冬（各叁钱）荆芥 川芎 甘草 茜草根（各一钱）水煎服。此方即四物汤加减，妙在用茜草引血归经。

三黑神曲奇散

丹皮（炒黑七分）黑梔（五分）真蒲黄（炒黑一钱二分）川芎（酒洗）贝母（各一钱）生地（酒洗）水二樽，童便藕汁各半樽，煎服。此方治吐血神效无比，二剂止。六味地黄汤加麦冬五味子，最能补肾滋肝，木得其养，则血有可藏之经，而不外泄，血症最宜服之。

1=标题= 呕吐

脾胃症辨

人有能食而不能化者，乃胃不病而脾病也，当补脾，补脾尤宜补肾中之火，盖肾火能生脾土也，不能食，食之而安然者，乃脾不病而胃病也，不可补肾中之火，当补心火，盖心火能生胃土也，世人

一见不饮食，动曰脾胃虚也，殊不知胃之虚寒，责之心，脾之虚寒，责之肾也，不可不辨也。

反胃大吐

大吐之症，舌有芒刺，双目红肿，人以为热也，谁知是肾水之亏乎，盖脾胃必借肾水而滋润，肾水一亏，则脾胃之火，沸腾而上，以致目红肿而舌芒刺也，但此症时躁时静，时欲饮水，及水到又不欲饮，即强之饮亦不甚快，此乃上假热而下真寒也，宜六味地黄汤加桂附，水煎服。外治法，先以手擦其足心，使之极热，然后用附子壹个煎汤，用鹅翎扫之，随乾随扫，少顷即不吐矣，後以六味地黄汤，大剂饮之，即安然也，或逍遥散加黄连，亦立止也，无如世医以杂药投之，而成噎膈矣，方用 熟地（贰两）山萸 元叁（各壹两）当归（伍钱）五味子（贰钱）牛膝 白芥子（各叁钱）水煎服，盖肾水不足，则大肠必乾而细，饮食入胃，难於下行，故反而上吐矣。

寒邪犯肾大吐

寒入肾宫，将脾胃之水，挟之尽出，手足厥逆，小腹痛不可忍，以热物熨之少快，否则寒冷难支，人多以为胃病，其实肾病也，方用 附子（壹个）白术（肆两）肉桂（壹钱）乾姜（叁钱）人参（叁两）水煎服。此药下喉，便觉吐定，煎渣再服，安然如故。

呕吐

世人皆以呕吐为胃虚，谁知由於肾虚乎，故治吐不效，为窥见病之根也，方用 人参 芡实（各叁钱）白术 薏仁（各伍钱）砂仁（伍粒）吴萸（伍分）水煎服。

火吐

此症若降火，则火由脾而入於大肠，必变为便血之症，法宜清火止吐，方用 茯苓（壹两）人参（贰钱）砂仁（伍粒）黄连（叁钱）水煎服。

寒吐

此症若降寒，则又引入肾而流於膀胱，必变为遗尿之症，法宜散寒止吐，方用白术（贰两）人参（伍钱）附子 乾姜（各壹钱）丁香（伍分）水煎服。此方散寒而用补脾之品，则寒不能上越，而亦不得下行，势不能不从脐出也。

胃吐

此症由於脾虚，脾气不得下行，自必上反而吐，补脾则胃安，方用 人参 茯苓（各叁钱）白术（伍钱）甘草 肉桂 神曲 半夏（各壹钱）砂仁（叁粒）水煎服。此方治胃病，以补脾者何也，盖胃为脾之关，关门之沸腾，由於关中之溃乱，欲使关外之安静，必先使关中之安宁，况方中砂仁半夏神曲 等味，全是止吐之品，有不奏功者乎，此脾胃两补之法也。

反胃

人有食入而即出者，乃肾水虚不能润喉，故喉燥而即出也，方用 熟地（贰两）山萸 茯苓 麦冬（各伍钱）山药（壹两）泽泻 丹皮（各叁钱）五味子（贰钱）水煎服。此症又有食久而反出者，乃肾火虚不能温脾，故脾寒而反出也，方用 熟地（贰两）山萸（壹两）山药（陆钱）泽泻（贰钱）茯苓 丹皮 附子 肉桂（各叁钱）水煎服。”此即八味地黄，也可用生地桂枝（

胃寒

心肾兼补，治脾胃两虚者固效，若单胃之虚寒，自宜独治心之为妙，方用 人参 远志（各壹两）白术 茯苓 莲子 白芍（各叁两）菖蒲 良姜 枣仁（各伍钱）半夏 附子 白芥子（各叁钱）山药（肆

钱)蜜丸,每日白水送下五钱

肾寒吐泻心寒胃弱

此症由於心寒胃弱,呕吐不已,食久而出是也,下痢不止,五更时痛泻三五次者是也,人以为脾胃之寒,服脾胃之药而不效者何也,盖胃为肾之关,而脾为肾之海,胃气弱,不补命门之火,则心包寒甚,何以生胃土而消谷食,脾气弱不补命门之火,则下焦虚冷,何以化饮食而生精华,故补脾胃,莫急於补肾也。方用 熟地 茯苓 人参(各叁两)山萸(贰两)山药(肆两)附子 肉桂 五味子(各壹两)吴萸(伍钱)蜜丸,每日空心白水送下五钱。

1=标题= 臌症

水臌

此症满身皆水,按之如泥者,是若不急治,水流四肢,不得从膀胱出,则为死症矣,方用决流汤。黑丑 甘草(各贰钱)肉桂(叁分)车前(壹两)水煎服。一剂水流斗馀,二剂全愈,断勿与三剂也,与三剂反杀之矣,盖二丑甘遂,最善利水,又加肉桂车前子,引火以入膀胱,利水而不走气,不使牛遂之过猛也,二剂之後,须改五苓散,调理二剂,再用六君子汤补脾可也,忌食盐,犯之则不救矣。”诸臌症最忌宽中市医多用五皮饮描头画角百无一效〔

气臌

此症气虚作肿,似水而实非水也,但按之不如泥耳,必先从脚面上肿起,後渐肿至身上,於是头面皆肿者有之,此即谓之气臌,宜於健脾行气之中,加引水之品,若以治水臌治之,是速之死也,方用 白术 茯苓 薏仁(各壹两)甘草 肉桂(各壹分)枳壳(伍分)人参 神曲 车前子 萝卜子(各壹钱)山药(伍钱)水煎服。初服若觉有碍,久之自有大功,三十剂而愈矣,亦忌食盐秋石。

虫臌

此症小腹痛,四肢浮肿而未甚,面色红而有白点,如虫食之状,是之谓虫臌,方用消虫神奇丹,当归 鳖甲 地栗粉(各壹两)雷丸 神曲 茯苓 白矾(各叁钱)车前子(伍钱)水煎服。一剂下虫无数,二剂虫尽臌消,不必三剂,但病好必用六君子汤,去甘草调理。

血臌

此症或因跌闪而瘀血不散,或忧郁而结血不行,或风邪而蓄血不散,留在腹中,致成血臌,饮食入胃不变精血,反去助邪,久则胀,胀成臌矣,倘以治水法逐之,而症非水,徒伤元气,以治气法治之,而又非气,徒增饱满,方用逐瘀汤。水蛭(此物最难死火烧经年,入水犹生,必须炒黄为末方妥)雷丸 红花 枳壳 白芍 牛膝(各叁钱)当归(贰两)桃仁(肆拾两)水煎服。一剂血尽而愈,切勿与二剂,当改四物汤调理,於补血内加白术茯苓人参,补元气而利水,自然全愈,否则恐成乾枯之症,辨血臌惟腹胀如臌,而四肢手足并无臌意也。

1=标题= 水症

水肿

此症土不能克水也,方用 牵牛 甘遂(各叁钱)水煎服。此症治法虽多,独此方奇妙,其次鸡屎醴亦效,鸡屎醴治血臌尤效。

呃逆

此症乃水气凌心包也,心包为水气所凌,呃逆不止,号召五脏之气,救水气之犯心也,治法当利湿

分水，方用 茯神 薏仁（各壹两）苍术 白术 人参（各叁钱）芡实 丁香（各伍钱）法制半夏陈皮（各壹钱）吴萸（三分）水煎服，二剂愈。

水结膀胱

此症目突口张，足肿气喘，人以为不治之症，不知膀胱与肾，相为表，膀胱之开合，肾司其权，特通其肾气而膀胱自通矣，方用通肾消水汤。熟地 山药 薏仁（各壹两）山萸（壹钱伍分）茯神（伍钱）肉桂 牛膝（各壹钱）车前子（叁钱）水煎服。

1=标题= 湿症

黄症

此症外感之湿易治，内伤之湿难疗，外感者利水则愈，若内伤之湿，泻水则气消，发汗则精泄，必健脾行气而後可也，方用 白术 茯苓 薏仁（各壹两）茵陈 黑栀（各叁钱）陈皮（伍分）水煎服。此方治内感之湿，不治外感之湿，若欲多服去栀子。

痺症

此症虽因风寒湿而来，亦因元气之虚，邪治得趁虚而入，倘攻邪而不补正，则难愈矣，今於补正之中，佐以去风寒湿之品，而痺如失矣，方用白术（伍钱）人参（叁钱）茯苓（壹两）柴胡 附子 半夏（各壹钱）陈皮（伍分）水煎服。”经云风寒湿三者合而成痺，此条原本痺字，当是痺字之误（伤湿

此症恶湿，身重足肿，小便短赤，方用 泽泻 猪苓（各叁钱）肉桂（伍分）茯苓 白术（各伍钱）柴胡 半夏 车前子（各壹钱）水煎服，一剂愈。

脚气

今人以五苓散去湿，亦是正理，然不升其气，而湿未必尽去也，必须提气而水乃散也，方用 黄（壹两）人参 白术（各叁钱）防风 肉桂 柴胡（各壹钱）薏仁 芡实 白芍（各伍钱）半夏（贰钱）陈皮（伍分）水煎服。此方去湿之圣药，防风用於黄 之中，已足提气而去湿，又助之柴胡舒气，则气自升腾，气升则水散，白术茯苓薏仁芡实，俱是去湿之品，有不神效者乎。

1=标题= 傅青主男科卷下

阳曲傅青主先生手着 江都郭鍾岳

1=标题= 泄泻

泻甚

一日五六十回，倾肠而出，完谷不化，粪门肿痛，如火之热，无以救之，必致立亡，方用截泻汤，薏仁 白芍（各贰钱）山药 车前子（各壹两）黄连 茯苓（各伍钱）泽泻 甘草（各贰钱）肉桂（叁分）人参（叁钱）水煎服。水泻方用 白术（壹两）车前子（伍钱）水煎服。此方补肾健脾，利水去湿，治泻神效。”泄泻之症，皆由于膀胱不能化气，胃中所纳水谷不得分消，直由大肠而出故以利小便为主，与伤寒下利自利，大相悬殊，须察之。（

火泻

完谷不化，饮食下喉即出，日夜数十次，甚至百次，人皆知为热也，然而热之生也何故，生於肾中之水衰不能制火，使胃土关门，不守於上下，所以直进而直出也，论其势之急迫，似乎宜治其标，然治其标而不能使火之骤降，必须急补肾中之水，使火有可居之地，而後不致上腾也，方用 熟地 白

芍（各叁两）山萸 茯苓 甘草 车前子（各壹两）肉桂（叁分）水煎服，此乃补肾之药，非止泻之品，然而止泻之妙，捷如鼓矣，世人安知此也。

水泻

此乃纯是下清水，非言下痢也，痢无止法，岂泻水亦无止法乎，故人患水泻者，急宜止遏，方用白术（伍钱）茯苓（叁钱）吴萸（五分）车前子 五味子（各壹钱）水煎服。

泄泻吞酸

泄泻，寒也，吞酸，火也，似乎寒热殊而治法异矣，不知吞酸虽热，由於肝气之郁结，泄泻虽寒，由於肝木之克脾，用一方以治水郁，又一方以培脾土，土必大崩，木必大雕矣，不若一方而两治之为愈也，方用白芍（伍钱）柴胡 车前子（各壹钱）茯苓（叁钱）神曲 陈皮 甘草（各伍分）水煎服。此方妙在白芍以舒肝木之郁，木郁一舒，上不克胃，下不克脾，又有茯苓车前，以分消水湿之气，则水尽从小便出，而何有馀水以吞酸，刺汁以泄泻哉。

1=标题= 痢疾

火邪内伤辨

火邪之血，色必鲜红，脉必洪缓，口必渴而饮冷水，小便必涩而赤浊，内伤之血色不鲜而紫暗，或微红淡白，脉必细而迟，或浮涩而空，口不渴，即渴而喜饮热汤，小便不赤不涩，即赤而不热不浊，此诀也。”痢疾以调达气血为主，痢门以芍药汤为总方，芍药汤偏於凉，用之每不得效此诸方虽归芍木香，却分症而用芩连，不用大黄，可云尽善尽美。（

痢疾

此症感湿热而成，红白相见，如脓如血，至危至急者也，用凉药止血，热药攻邪，俱非善治之法，方用白芍 当归（各贰两）枳壳 槟榔（各贰钱）滑石（叁钱）广木香 来服子 甘草（各壹钱）水煎服。一二剂收功，此方妙在用归芍至二两之多，则肝血有馀，不去克脾土，自然大肠有传送之功，加之枳壳槟榔，俱逐秽去积之品，尤能於补中用，攻而滑石甘草木香，调达於迟速之间，不疾不徐，使瘀滞尽下也，其余些小痢疾，减半用之，无不奏功，此方不论红白痢疾，痛与不痛，服之皆神效，又方 当归（壹两）黄芩（柒分酒洗）苍术 厚朴 大复皮 陈皮（各壹钱）水二碗，煎一碗，顿服。

血痢

凡血痢腹痛者，火也，方用 归尾 白芍（各壹两）黄连（叁钱）枳壳 木香 来服子（各贰钱）水煎服。

寒痢

凡痢腹不痛者，寒也，方用 白芍 当归（各叁钱）枳壳 槟榔 甘草 来服子（各壹钱）水煎服。前方治壮实之人，火邪挟湿者，此方治寒痢，腹不痛者，更有内伤劳倦，与中气虚寒之人，脾不摄血而成血痢者，当用理中汤，加木香肉桂，或用补中益气汤加熟地炒乾姜，治之而始愈也。

1=标题= 大小便。

大便不通

此症人以为大肠燥也，谁知是肺气燥乎，盖肺燥则肃清之气，不能下行於大肠，而肾经之水，仅足自顾，又何能旁流以润润哉，方用 熟地 元叁（各叁两）升麻（叁钱）火麻仁（壹钱）牛乳（壹碗）水二碗，煎六分，将牛乳同调服之。一二剂必大便矣，此方不在润大肠而在补肾及清肺，夫大肠居

於下流，最难独治，必须从肾以润之，从肺以清之，启其上窍，则下窍自然流动通利矣，此下病上治之法也。实症大便不通，方用 大黄（伍钱）归尾（壹两）升麻（伍分）蜂蜜（半杯）水煎服。此方大黄泄利，当归以润之，仍以为君，虽泄而不至十分猛烈，不致有亡险之弊，况有升麻以提之，则泄中有留，又何必过虑哉。”此方之妙在升麻，味能化板为灵，启其上窍则下窍自流，每以笔管汲砚池水比之，指按管则得水，指启则水落砚上，浅而易明，岳诊小便不通，以青龙汤之姜、细、味主之，亦此意也。此方比大承气和平，然阳明燥粪，非大承气不可，此方当归重用，温润而不猛也，此方从八味地黄悟出。（

虚症大便不通

人有病後大便秘者，方用 熟地 元叁 当归（各壹两）川芎（伍钱）桃仁（拾粒）红花 大黄（各叁钱）火麻仁（壹钱）蜂蜜（半杯）水煎服。

小便不通

膀胱之气化不行，即小便不通，似乎治膀胱也，然而治法全不在膀胱，方用 人参 茯苓 莲子（各叁钱）白果（贰钱）甘草 肉桂 车前子 王不留行（各壹钱）水煎服。此方妙在用人参肉桂，盖膀胱必得气化而出，气化者何，心包络之气也，既用叁桂而气化行矣，尤妙在用白果，人多不识此意，白果通任督之脉，走膀胱而引群药，况车前子王不留行，尽下泄之品，服之而前阴有不利者乎。又方 熟地（壹两）山药 丹皮 泽泻 肉桂 车前子（各壹钱）山萸（肆钱）水煎服。此方不去通小便而专治肾水，肾中有水，而膀胱之气，自然行矣，盖膀胱之开合，肾司其权也。大小便不通，方用头发烧灰研末，用三指一捻，入热水半碗，饮之立通。又方 蜜一茶杯，皮硝一两，黄酒一茶杯，大黄一钱，煎一处，温服神效。

1=标题= 厥症

寒厥

此症手足必青紫，饮水必吐，腹必痛，喜火熨之，方用 人参（叁钱）白术（壹两）附子 肉桂 吴萸（各壹钱）水煎服。

热厥

此症手足虽寒而不青紫，饮水不吐，火熨之腹必痛，一时手足厥逆，痛不可忍，人以为四肢之风症也，谁知是心中热蒸，外不能泄，故四肢手足则寒，而胸腹皮热如火，方用 柴胡（叁钱）当归 黄连 炒栀（各贰钱）荆芥 半夏 枳壳（各壹钱）水煎服，二剂愈，又方 白芍（壹两）黑栀（叁钱）陈皮 柴胡（各壹钱）花粉（贰钱）水煎服，以白芍为君，取入肝而平木也。”此症热在於肝前方之柴胡当归後方之白芍皆肝药也（

尸厥

此症一时猝倒，不省人事，乃气虚而痰迷心也，补气化痰而已，方用 人参 半夏 南星（各叁钱）白术（伍钱）附子（伍分）白芥子（壹钱）水煎服，又方 苍术（叁钱）水煎，灌之必吐，吐後即愈，盖苍术阳药，善能祛风，故有奇效，凡见鬼者用之更效。

厥症

人有忽然发厥，闭目撒手，喉中有声，有一日死者，有二三日死者，此厥多犯神明，然亦素有痰气而发也，治法宜攻其痰而开心窍，方用起迷丹。人参 半夏（各伍钱）菖蒲（贰钱）兔丝子（壹两）

茯苓 皂荚（各叁钱）生姜（壹钱）甘草（叁分）水煎服。

气虚猝倒

人有猝然昏倒，迷而不悟，喉中有痰，人以为风也，谁知是气虚乎，若作风治，无不死者，此症盖因平日不慎女色，精亏以致气衰，又加不慎起居，而有似乎风者，其实非风也。方用 人参 黄 白术（各壹两）茯苓（伍钱）菖蒲 附子（各壹钱）半夏（贰钱）白芥子（叁钱）水煎服。此方补气而不治风，消痰而不耗气，一剂神定，二剂痰消，三剂全愈。

阴虚猝倒

此症有肾中之水虚，而不上交於心者，又有肝气燥，不能生心之火者，此皆阴虚，而能令人猝倒者也，方用再苏丹。熟地（贰两）山萸 元叁 麦冬 五味子（各壹两）柴胡 菖蒲（各壹钱）茯苓（伍钱）白芥子（叁钱）水煎服。此方补肾水，滋肺气，安心通窍，泻火消痰，实有神功，十剂全愈。“此症切实为阴虚者，当此人身本瘦，面部以下青黑，倒时微喘，目不能瞑。（

阳虚猝倒

人有心中火虚，不能下交於肾而猝倒者，阳虚也，方用 人参 白术 生枣仁（各壹两）茯神（伍钱）附子 甘草（各壹钱）生半夏（叁钱）水煎服。药下喉，则痰静而气出矣，连服数剂，则安然如故。此症又有胃热，不能安心之火而猝倒者，亦阳虚也，方用 人参 元叁（各壹两）石膏 花粉（各伍钱）麦冬（叁钱）菖蒲（壹钱）水煎服。一剂心定，二剂火清，三剂全愈。”此症切实为阳虚者，当此人素有眩晕，面色红明，倒时额鼻有微汗，阴器欲举，胃热必口有秽气，板齿燥。（

肾虚猝倒

人有口渴索引，眼红气喘，心脉洪大，舌不能言，不可作气虚治，此乃肾虚之极，不能上滋於心，心火亢极，自焚闷乱，遂致身倒，有如中风者，法当补肾，而佐以清火之药，方用水火两治汤。熟地 当归 元叁（各壹钱）麦冬 生地 山萸 茯苓（各伍钱）黄连 白芥子 五味子（各叁钱）水煎服，连服数剂而愈。

大怒猝倒

人有大怒跳跃，忽然卧地，两臂抽搦，唇口歪邪，左目紧闭，此乃肝火血虚，内热生风之症，当用八珍汤，加丹皮钩 山梔，若小便自遗，左关脉弦洪而数，此肝火血燥，当用六味汤，加钩 、五味子、麦冬、川芎、当归，愈後需改用补中益气汤，加山梔、丹皮、钩 ，多服，如妇人得此症，则逍遥散加钩 及六味汤，便是治法。

中风不语

人有跌倒昏迷，或自卧而跌下床者，此皆气虚，而痰邪犯之也，方用三生引。人参（壹两）半夏（生）南星（生各叁钱）附子（生壹个）水煎灌之。此症又有因肾虚而得之者，夫肾主藏精，主下焦地道之生身，冲任二脉系焉，二脉与肾之大络，同出於肾之下，起於胞之中，其冲 因称胞络，为经脉之海，遂名海焉，其冲 之上行者，渗诸阳，灌诸精，下行者，渗诸阴，灌诸络，而温肌肉，别络结於跗，因肾虚而肾络与胞内绝，不通於上则 ，肾脉不上循喉咙挟舌本，则不能言，二络不通於下，则痺厥矣，方用地黄饮子。熟地 巴戟 山萸 茯苓 麦冬 肉苁蓉（各壹两）附子 菖蒲 五味子（各伍钱）石斛（陆钱）肉桂（叁钱）薄荷、姜、枣，水煎服。

口眼歪邪

此症人多治木治金固是，而不知胃土之为尤切，当治胃土，且有经脉之分，经云足阳明之经，急则口目为僻，眦急不能视，此胃土之经为歪邪也，又云足阳明之脉，挟口环唇，口歪唇邪，此胃土之脉为歪邪也，二者治法，皆当用黄、当归、人参、白芍、甘草、桂枝、升麻、葛根、秦艽、白芷、防风、黄柏、苏木、红花，水酒各半煎，微热服，如初起有外感者，加葱白三茎同煎，取微汗自愈。此症又有心中虚极，不能运於口耳之间，轻则邪，重则不语，方用人参 茯苓 菖蒲 白芍（各叁钱）白术（伍钱）甘草（壹钱）半夏 肉桂（各贰钱）当归（壹两）水煎服，二剂愈。又治法，令一人抱住身子，又一人抱住歪邪之耳轮，再令一人手摩其歪邪之处，至数百下，使面上火热而後已，少顷口眼如故矣，最神效。

半身不遂

此症宜於心胃而调理之，盖心为天真，神机开发之本，胃是谷府，充大真气之标，标本相得，则心膈间之中气海，所留宗气盈溢，分布五脏三焦，上下中外，无不周偏，若标本相失，不能致其气於气海，而宗气散矣，故分布不周於经脉，则偏枯，不周於五脏，则，即此言之，未有不因真气不周而病者也，法宜黄为君，参、归、白芍为臣，防风、桂枝、钩、竹沥、姜、韭、葛、梨、乳汁为佐，治之而愈，若杂投乎乌附羌活之类，以涸营而耗卫，如此死者，医杀人也。半身不遂，口眼歪邪，方用人参 当归 白术（各伍钱）黄（壹两）半夏 乾葛（各叁钱）甘草（壹钱）红花（贰钱）桂枝（壹钱伍分）水二樽，姜三片，枣二枚，煎服。此症人多用风药治之，殊不见功，此药调理气血，故无不效。”此症由于血不行又中风，若用驱风之品，偏枯则终不起矣，故当以养血和血为主，治风先治血，血行风自灭，此为的论（

症

此症忽然卧地，作牛马猪羊之声，吐痰如涌泉者，痰迷心窍也，盖因寒而成，感寒而发也，方用人参 山药 半夏（各叁钱）白术（壹两）茯神 薏仁（各伍钱）肉桂 附子（各壹钱）水煎服。又方 人参 茯苓（各壹两）白术（伍钱）半夏 南星 附子 柴胡（各壹钱）菖蒲（叁分）水煎服，此本治寒狂之方，治亦效。

1=标题= 癫狂

癫狂

此症多生於脾胃之虚寒，饮食入胃，不变精而变痰，痰迷心窍，遂成癫狂，徒治痰而不补气，未有不死者也，方用人参 白芥子（各伍钱）白术（壹两）半夏（叁钱）陈皮 乾姜 肉桂（各壹钱）甘草 菖蒲（各伍分）水煎服。如女人得此症，去肉桂加白芍、柴胡、黑栀，治之亦最神效。

发狂见鬼

此症气虚而中痰也，宜固其正气，而佐以化痰之品，方用人参 白术（各壹两）半夏 南星（各叁钱）附子（壹钱）水煎服。男子补气，女子补血（

发狂不见鬼

此是内热之症，方用人参 白芍 半夏（各叁钱）南星 黄连（各贰钱）陈皮 甘草 白芥子（各壹钱）水煎服。

狂症

此症有因寒得之者，一时之狂也，可用白虎汤以泻火，更有终年狂而不愈者，或拿刀杀人，或骂亲

戚，不认儿女，见水大喜，见食大恶，此乃心气之虚，而热邪乘之，痰气侵之也，方用化狂丹。人参 白术 茯神（各一两）附子（一分）半夏 兔丝子（各三钱）菖蒲 甘草（各一钱）水煎服，一剂狂定。此方妙补心脾胃三经，而化其痰，不去泻火，盖泻火则心气益虚，而痰涎益盛，狂何以止乎，尤妙在微用附子，引补心消痰之品，直入心中，则气易补而痰易消，又何用泻火之多事哉。”此症因寒得之，何以用白虎汤，血寒邪外逼，不热泄而扰心胃，如冬伤於寒，春必病温是也。（
寒狂

凡发狂骂人，未渴索饮，与水不饮者，寒证之狂也，此必气郁不舒，怒气未泄，其人必性情过於柔弱，不能自振者耳，宜补气消痰，方用 人参 茯神（各一钱）白术（五钱）菖蒲（三分）半夏 南星 附子 柴胡（各一钱）水煎服，药下喉，睡熟醒来，病如失也。

1=标题= 怔忡惊悸

怔忡不寐

此症心经血虚也，方用 人参 当归 茯苓（各叁钱）丹皮 麦冬（各贰钱）甘草 菖蒲 五味子（各壹钱）生枣仁 熟枣仁（各伍钱）水煎服。此方妙在用生熟枣仁，生使其日间不卧，熟使其日间不醒，又以补心之药为佐，而怔忡安矣。

心惊不安夜卧不睡

此心病而实肾病也，宜心肾兼治，方用 人参 茯苓 茯神 熟地 山萸 当归（各叁两）远志（贰两）菖蒲（叁钱）黄连 肉桂 砂仁（各伍钱）生枣仁 白芥子（各壹两）麦冬（叁两）蜜丸，每日下五钱，汤酒俱可。此方治心惊不安与不寐耳，用人参、当归、茯神、麦冬足矣，即为起火不寐，亦不过用黄连足矣，何以反用熟地、山萸补肾之药，又加肉桂以助火，不知人之心惊，乃肾气不入於心也，不寐乃心气不归於肾也，今用熟地山萸补肾，则肾气可通於心，肉桂以补命门之火，则肾气既温，相火有权，君火相得，自然上下同心，君臣合德矣，然补肾固是，而亦有肝气不上於心而成此症者，如果有之，宜再加白芍二两，兼补肝木，斯心泰然矣。恐怕人夜卧交睫，则梦争斗负败，恐怖之状，难以形容，人以为心病，谁知是肝病乎，盖肝藏魂，肝血虚则魂失养，故交睫若魇，此乃肝胆虚怯，故负恐维多，此非大补，不克奏功，而草木之品，不堪任重，当以酒化鹿角胶，空腹服之可愈，盖鹿角胶大补精血，血旺则神自安矣。”何以知肝气不上于心，此人当面色青，或潮热，或手足烧，或眩晕左俛涨。（

神气不宁

人每卧则魂飞扬，觉身在床而魂离体矣，惊悸多魇，通夕不寐，人皆以为心病也，谁知是肝经受邪乎，盖肝气一虚，邪气袭之，肝藏魂，肝受邪，魂无依，是以魂飞扬而若离体也，法用珍珠母为君，龙齿佐之，珍珠母入肝为第一，龙齿与肝同类，龙齿虎睛，今人例以为镇心之药，诘知龙齿安魂，虎睛定魄，东方苍龙木也，属肝而藏魂，西方白虎金也，属肺而藏魄，龙能变化，故魂游而不定，虎能专静，故魄止而有守，是以治魄不宁宜虎睛，治魂飞扬宜龙齿，药各有当也，”此症岳每用桂枝汤温胆汤叁之颇效（

1=标题= 腰腿肩背手足疼痛

满身皆痛

手足心腹一身皆痛，将治手乎，治足乎治肝为主，盖肝气一舒，诸痛自愈，不可头痛救头，足痛救

足也，方用 柴胡 甘草 陈皮 梔子（各壹钱）白芍 薏仁 茯苓（各伍钱）当归 苍术（各贰钱）水煎服，此逍遥散之变化也，舒肝而又去湿去火，治一经而诸经无不愈也。

腰痛

痛而不能俯者，湿气也，方用 柴胡 泽泻 猪苓 白芥子（各壹钱）防己（贰钱）白术 甘草（各伍钱）肉桂（叁分）山药（叁钱）水煎服。此方妙在入肾去湿，不是入肾而补水，初痛者，一二剂可以奏功，日久必多服为妙。

腰痛

痛而不能直者，风寒也，方用逍遥散加防己一钱，一剂可愈，若日久者，当加杜仲一两，改白术二钱，酒煎服，十剂而愈。又方 杜仲（壹两盐炒）破故纸（伍钱盐炒）熟地 白术（各叁两）核桃仁（贰钱）蜜丸，每日空心白水送下五钱，服完可愈，如未全愈，再服一料，必愈。

腰痛

凡痛而不止者，肾经之病，乃脾湿之故，方用 白术（肆两）薏仁（叁两）芡实（贰两）水六碗，煎一碗，一气饮之，此方治梦遗之病亦神效，腰腿筋骨痛，方用养血汤 当归 生地 肉桂 牛膝 杜仲 破故纸 茯苓 防风（各壹钱）川芎（五分）甘草（叁分）核桃（贰个）山萸 土茯苓（各贰钱）水酒煎服。腰痛足亦痛，方用 黄（半斛）防风 茯苓（各伍钱）薏仁（伍两）杜仲（壹两）肉桂（壹钱）车前子（叁钱）水十碗，煎二碗入酒，以醉为主，醒即愈，腰足痛，明系是肾虚而气衰，更加之湿，自必作楚，妙在不补肾而单益气，盖气足则血生，血生则邪退，又助之薏仁、茯苓、车前之类，去湿，湿去而血活矣，况又有杜仲之健肾，肉桂之温肾，防风之荡风乎。

腿痛

身不离床褥，伛偻之状可掬，乃寒湿之气侵也，方用 白术（伍钱）芡实（贰钱）肉桂（壹钱）茯苓 萸（各壹两）杜仲（叁钱）薏仁（贰两）水煎，日日服之，不必改方，久之自奏大功。

两臂肩膊痛

此手经之病，肝气之郁也，方用 当归 白芍（各叁两）柴胡 陈皮（各伍钱）羌活 秦艽 白芥子 半夏（各叁钱）附子（壹钱）水六碗，煎三沸，取汁一碗，入黄酒服之，一醉而愈，此方妙在用白芍为君，以平肝木不来侮胃，而羌活柴胡又去风，直走手经之上，秦艽亦是风药，而兼附子攻邪，邪自退出，半夏、陈皮、白芥子，祛痰圣药，风邪去而痰不留，更得附子无经不达，而其痛如失也。

手足痛

手足肝之分野，而人乃为脾经之热，不知散肝木之郁结，而手足之痛自去，方用逍遥散，加梔子（叁钱）半夏（贰钱）白芥子（贰钱）水煎服，二剂，其痛如失，盖肝木作祟，脾不敢当其锋，气散於四肢，结而不伸，所以作楚，今平其肝气，则脾气自舒矣。

胸背手足颈项腰膝痛。

筋骨牵引，坐卧不得，时时走易不定，此是涎伏在心膈上下，或令人头痛，夜间喉中如锯声，口流涎唾，手足重，腿冷，治法用控涎丹，不足十剂，其病如失矣。”控涎丹方药未见此条，仍照原本存之。（

背骨痛

此症乃肾水衰耗，不能上润於脑，则河车之路，乾涩而难行，故作痛也，方用 黄 熟地（各壹两）

山萸（肆钱）白术 防风（各伍钱）五味子（壹钱）茯苓（叁钱）附子（壹分）麦冬（贰钱）水煎服。此方补气补水，去湿去风，润筋滋骨，何痛之不愈哉。

腰痛兼头痛

上下相殊也，如何治之乎，治腰乎，治头乎，谁知是肾气不通乎，盖肾气上通於脑，而脑气下达於肾，上下虽殊，而气实相通，法当用温补之药，以大益其肾中之阴，则上下之气通矣，方用 熟地（壹两）杜仲 麦冬（各伍钱）五味子（贰钱）水煎服。一剂即愈，方内熟地，杜仲，肾中药也，腰痛是其专功，今并头而亦愈者何也，盖此头痛，是肾气不上达之故，用补肾之味，则肾气旺而上通於脑，故腰不痛而头亦不痛矣。

1=标题= 心腹痛

心痛辨

心痛之症有二，一则寒气侵心而痛，一则火气焚心而痛，寒气侵心者，手足反温，火气焚心者，手足反冷，以此辨之最得。寒痛方用 良姜 白术 草乌 贯仲（各叁钱）肉桂 甘草（各壹钱）水煎服。热痛方用 黑栀（叁钱）白术（伍钱）甘草 半夏 柴胡（各壹钱）水煎服。心不可使痛，或寒或火，皆冲心包耳。

久病心痛

心乃神明之君，一毫邪气不可干犯，犯则立死，经年累月而痛者，邪气犯心包络也，但邪有寒热之辨，如恶寒见水如仇，火熨之则快，此寒邪也，方用 苍术（贰钱）白术（伍钱）当归（壹两）肉桂 良姜（各壹钱）水煎服。

久病心痛

如见水喜悦，手按之而转痛者，热气犯心包络也，方用 白芍（壹两）黑栀 当归 生地（各叁钱）甘草（壹钱）陈皮（捌分）水煎服。寒热二症，皆之责於肝也，肝属木，心属火，木衰不能生火，则包络寒，补肝而邪自退，若包络之热，由於肝经之热，泻肝而火自消也。”心腹之痛共有九种，其实皆心包络、胃、中及腹痛，无真心痛也，虫痛、注痛、气痛、血痛、悸痛、食痛、饮痛、冷痛、热痛、证各有辨，其用药亦大有不同，如虫痛则唇上有疮，痛时作时止，可与乌梅圆，注痛则兼头痛，或抽 或妄语，可与苏合丸，气痛则或上或下，或前或後，有肝、有胃、有肺，可与左金丸、平胃散之属，血痛则有痞块，可与桃仁汤、失笑散，悸痛则按之不拒，可与理中汤、妙香散，食痛则拒按发热，可与承气汤、槟榔丸，饮痛则吐清水，脘下有水声，可与二陈汤，甚者十枣汤，冷痛热痛则此二方可用，先生此书因穷乡僻壤而设，执此可以应急，且免误於庸医，故去烦就简也。

{

腹痛

痛不可忍，按之愈痛，口渴饮以凉水，则痛少止，少顷依然大痛，此火结在大小肠也，若不急治，一时气绝，方用定痛如神汤。黑栀 苍术（各叁钱）甘草 厚朴（各壹钱）茯苓（壹两）白芍（伍钱）水煎服。此方舒肝经之气，利膀胱之水，泻水逐瘀，再加大黄壹钱，水煎服勿迟。

腹痛

腹中有痞块，一时发作，而痛不可手按者，方用 白术（贰两）枳实（壹两）马粪（炒焦伍钱）好酒煎服。冷气心腹痛，方用火龙丹。硫磺（醋制壹两）胡椒（壹钱）白矾（肆钱）醋打芥面为丸如

桐子大，每服二十五丸，米下汤。

胃气痛

人病不能饮食，或食而不化，作痛作满，或兼吐泻，此肝木克脾土也，方用 白芍 当归 柴胡 茯苓（各贰钱）白术（叁钱）甘草 白芥子（各壹钱）水煎服。有火加栀子贰钱，无火加肉桂壹钱，有食加山楂叁钱，伤面食加枳壳壹钱，麦芽壹钱，有痰加半夏壹钱，有火能散，有寒能驱，此右病而左治之也。

1=标题= 麻木

手麻木

此乃气虚而寒湿中之，如其不治，三年後必中大风，方用 白术 黄（各伍钱）陈皮 桂枝（各伍分）甘草（壹两）水煎服。

手麻

十指皆麻，面目失色，此亦气虚也，治当补中益气汤，加木香麦冬香附羌活乌药防风，三剂可愈。

手足麻木

“手足麻木为中风之候，左右偏枯皆先由手足大指不用起，盖手太阴肺经行於手大指，肺藏气而右降，气分虚则病偏於右，足厥阴肝经行於足大指，肝藏血而左升，血分虚则病偏於左，故手足麻木必补气血，且验中风之候於未来也（四物汤加人参、白术、茯苓、陈皮、半夏、桂枝、柴胡、羌活、防风、秦艽、牛膝炙草，姜、枣引煎服，四剂愈。

木

凡木是湿痰死血也，用四物汤加陈皮、半夏、茯苓、桃仁、红花、白芥子、甘草、竹沥、姜汁，水煎服。

腿麻木方用导气散

黄（贰钱）甘草（壹钱伍分）青皮（壹钱）升麻 柴胡 归尾 泽泻（各伍分）五味子（叁拾粒）陈皮（捌分）红花（少许）水煎，温服甚效。

两手麻困倦嗜卧

此乃热伤元气也，方用益气汤。人参 甘草（各壹钱）黄（贰钱）炙草（伍分）五味子（叁拾粒）柴胡 白芍（各柒分）姜（叁片）枣（贰枚）水煎热服。

浑身麻木

凡人身体麻木不仁，两目羞明怕日，眼涩难开，视物昏花，睛痛，方用神效黄 汤，黄 白芍（各壹钱）陈皮（伍分）人参（捌分）炙草（肆分）蔓荆子（贰分）如有热，加黄柏叁分，水煎服。

麻木痛。

风寒湿三气，合而成疾，客於皮肤肌肉之间，或痛或麻木，方用 牛膝胶（贰两）南星（伍钱）姜汁（半碗）共熬膏摊贴，再以热鞋底熨之，加羌活乳香没药，更妙

足弱

此症不能步履，人以为肾水之虚，谁知由於气虚而不能运动乎，方用补中益气汤加 人参 牛膝（各叁钱）金石斛（伍钱）黄（壹两）水煎服。

筋缩

凡人一身筋脉，不可有病，病则筋缩而身痛，脉涩而体重矣，然筋之舒，在於血和，而脉之平，在於气足，故治筋必须先治血，而治脉必须补气，人若筋急拳缩伛偻，而不能直立者，皆筋病也，方用 当归（壹两）白芍 薏仁 生地 元叁（各伍钱）柴胡（壹钱）水煎服。此方妙在用柴胡一味，入於补药中，盖血亏则筋病，用补药以治筋宜矣，何又用柴胡，夫肝为筋之主，筋乃肝之馀，气不顺，筋自缩急，今用柴胡以舒散之，郁气既除，而又济之以大剂补血，则筋得其养矣。

1=标题= 胁痛

两胁有块

左胁有块作痛，是死血也，右胁有块作痛，是食积也，遍身作痛，筋骨尤甚，不能伸屈，口渴目赤头眩，痰壅胸不利，小便短赤，夜间殊甚，又遍身作 如虫行，人以为风也，谁知是肾气虚而热也，法用六味地黄汤加栀子柴胡，是乃正治也，三剂见效。

左胁痛

左胁痛，肝经受邪也，方用 黄连（吴萸炒贰钱）柴胡 当归 青皮 桃仁（研各壹钱）川芎（捌分）红花（伍分）水煎食（远服）有痰。加陈皮半夏。

右胁痛

此是邪入肺经也。方用 片姜黄 枳壳（各贰钱）桂心（贰分）炙草 陈皮 半夏（各伍分）水煎服。

左右胁俱痛

方用 柴胡 青皮 龙胆草 当归（各一钱）川芎 枳壳（各捌分）甘草（叁分）砂仁 木香（各伍分）姜水煎服。

两胁走注

两胁走注，痛而有声者，痰也，方用二陈汤，去甘草加枳壳、砂仁、广木香、川芎、青皮、苍术、香附、茴香，水煎服。

胁痛身热

此劳也，用补中益气汤，加川芎、白芍、青皮、砂仁、枳壳、茴香，去黄，水煎服。

胁痛

此乃肝病也，故治胁痛，必须平肝，平肝必须补肾，肾水足而後肝气有养，不治胁痛，而胁痛自平也，方用肝肾兼资汤。熟地 当归（各壹两）白芍（贰两）黑栀（壹钱）山萸（伍钱）白芥子 甘草（各叁钱）水煎服。”每咯血之人，胁涨痛而咯，是经血瘀滞胁下也，两方用时加桃仁柒枚，黑荆芥穗捌分尤效。（

胁痛咳嗽

咳嗽气急，脉滑数者，痰结痛也，瓜蒌仁 枳壳 青皮 茴香 白芥子水煎服。

1=标题= 浊淋（附肾病）

二浊五淋病

浊淋二症，俱小便赤也，浊多虚，淋多实，淋痛浊不痛为异耳，浊淋俱属热症，惟其不痛，大约属湿痰下陷，及脱精所致，惟其有痛，大约纵淫欲火动，强留败精而然，不可混治。淋症方用五淋散 淡竹叶 赤茯苓 芥穗 灯心（各壹钱）车前子（伍钱）水煎服。浊症方用清心莲子饮 石莲子 人参（各贰钱伍分）炙草 赤茯苓（各贰钱）麦冬 黄 地骨皮 车前子（各壹钱伍分）甘草（伍分）水煎

服。

阳强不倒

此虚火炎上，而肺气不能下行故耳，若用黄柏知母煎汤饮之，立时消散，然自倒之後，终年不能振起，亦非善治之法也，方用 元叁 麦冬（各叁两）肉桂（叁分）水煎服。此方妙在用元叁以泻肾中之火，肉桂入其宅，麦冬助肺金之气，清肃下行，以生肾水，水足则火自息矣，不求倒而自倒矣。

阳痿不举

此症乃平日过於削，日泄其肾中之水，而肾中之火，亦因而消亡，盖水去而火亦去，必然之理，有如一家人口，厨下无水，何以为炊，必有水而後取柴炭以煮饭，不则空铛也，方用 熟地（壹两）山萸（肆钱）远志 巴戟 肉苁蓉 杜仲（各壹钱）肉桂 茯神（各贰钱）白术（伍钱）人参（叁钱）水煎服。

尿血又便血

便血出於後阴，尿血出於前阴，最难调治，然总之出血於下也，方用 生地（壹两）地榆（叁钱）水煎服，二症俱愈，盖大小便各有经络，而其症皆因膀胱之热也，生地地榆，俱能清膀胱之热，一方而两用之也，盖分之中有合。

疝气方用去铃丸

大茴香 姜汁（各壹斛）将姜汁入茴香内，侵一宿，入青盐贰两，同炒红为末，酒丸桐子大，每服三十丸，温酒或米汤送下。

肾子痛方

泽泻 陈皮 赤苓（各壹钱）丹皮 小茴香 枳实（各叁钱）吴萸 苍术（各伍分）山查（肆分）苏梗（肆分）姜水煎服。又方 酒炒大茴香酒炒小茴香、赤石脂（煅）、广木香各等分，乌梅肉捣烂为丸，如桐子大，空心每服十五丸，葱酒送下立效。偏坠方用 小茴香、猪苓等分，微炒为末，空心盐水冲服，热盐熨亦甚效。

1=标题= 杂方

病在上而求诸下

头痛、目痛、耳红、腮肿，一切上焦等症，除清凉发散正治外，人即束手无策，而不知更有三法，如大便结、脉沉实者，用酒蒸大黄三钱微下之，名釜底抽薪之法，如大便泻，脉沉足冷者，宜六味地黄汤，加牛膝、车前、肉桂，足冷甚者，加熟附子，是冷极於下，而迫其火之上升也，此名导龙入海之法，大便如常，脉无力者，用牛膝车前引下之，此名引火归源之法也。

病在下而求诸上

凡治下焦病用本药不愈者，须从上治之，如足痛足肿，无力虚软，膝疮红肿，用木瓜、薏仁、牛膝、防己、黄柏、苍术之品，不效者定是中气下陷，湿热下流，用补中益气升提之，如足软不能行而能食，名曰痿症，宜清肺热，如治泄泻，用实脾利水之剂，不效者亦用补中益气，去当归，加炮姜苍术，脉迟加肉蔻、故纸，如尿血、用凉血利水药不效、宜清心莲子饮，若清心不止，再加升柴，如治便血 用止涩之药，不效，或兼泄泻，须察其脉如右关微，或数大无力，是脾虚不摄血，宜六君子加炮姜，若右关沉紧，是饮食伤脾，不能摄血，加沉香贰分，右寸洪数，是实热在肺，宜清肺，麦冬、花粉、元叁、桔芩、桔梗、五味子、枳壳等味。

疮毒方用如神汤

银花 当归 蒲公英（各壹两）荆芥 连翘（各壹钱）甘草（叁钱）水煎服。头面上疮方用 银花（贰两）当归（壹两）川芎 甘草（各伍钱）桔梗 蒲公英（各叁钱）黄芩（壹钱）水煎服。二剂全消。头疮不可用升提之药，最宜用降火之品，切记之。身上手足之疮疔方用 银花 甘草 蒲公英（各叁钱）当归（壹两）牛蒡子（贰钱）花粉（伍钱）芙蓉叶（七片无叶用根）水煎服。

统治诸疮方用

花粉 甘草 银花 蒲公英 水煎服。二剂全愈，此方消毒大有其功，诸痈诸疽，不论部位，皆治之。

黄水疮方用

雄黄防风煎汤，洗之即愈。

手汗方用

黄 乾葛（各壹两）荆芥 防风（各叁钱）水煎壹盆，热薰温洗三次愈。

饮砒毒

用生甘草叁两，加羊血半碗，和匀饮之，立吐而愈，若不吐，速用大黄贰两甘草伍钱，白矾壹两，当归叁两，水煎数碗饮之，立时大泻即生。

补肾

方用 大盐青菽苳七寸，煮核桃。

嚏喷

方用 生半夏为末，水丸绿豆大，入鼻孔，必嚏喷不已，用水饮之立止，通治中风不语，及中恶中鬼俱妙。

破伤

方用 蝉退去净，头足为末伍钱，用好酒壹碗，煎滚入末，调匀服之，立生。

疯狗咬伤

用 手指甲焙黄为末 滚黄酒冲服，发汗即愈，忌房事百日。

1=标题= 小儿科

色

小儿鼻之上，眼之中，色红者心热也，红筋横直，现於山根，皆心热也，

色紫者，心热之甚而肺亦热也，色青者，肝有风也，青筋横直现者肝热也，直者风上行，横者风下行也，色黑者风甚，而肾中有寒也，色白者肺中有痰，黄者脾胃虚而作泻，一观其色，而疾可知矣。

脉

大人看脉於寸关尺，小儿不然，但看其数不数而已，数甚则热，不数则寒也，数之中浮者风也，沉者寒也，缓者湿也，涩者邪也，滑者痰也，有止歇者痛也，如此而已，余不必过谈也。

三关

小儿虎口，风气命三关，紫属热，红属寒，青属惊风，白属疳，风关轻，气为重，若至命关，则难治矣。

不食乳

小儿不食乳，心热也，葱煎乳汁，令小儿服之亦妙，不若用黄连三分，煎汤一分，灌数次即食矣，

神效。脐不乾 用车前子炒焦为细末，敷之即乾。

山根

山根之上，有青筋直视者，乃肝热也，方用 柴胡 半夏（各叁分）白芍 茯苓（各壹钱）当归 白术（各伍分）山查（叁个）甘草（壹分）水煎服。有青筋横现者。亦肝热也。直者风上行。横者风下行。用前方加柴胡（伍分）麦芽（壹钱）乾姜（壹分）水煎服。有红筋直现者，心热也，亦用前方加黄连（壹分）麦冬（伍分）去半夏，加桑白皮、天花粉（各贰分）水煎服。有红筋斜现者，亦心热也，亦用前方加黄连（贰分），热积於胸中，不可用半夏，用桑白皮、花粉可也。有黄筋现於山根者，不论横直，总是脾胃之症，或吐或泻，腹痛或不思食，方用 白术 茯苓（各伍分）陈皮 人参 麦芽（各贰分）神曲 甘草（各壹分）淡竹叶（柒分）水煎服，有痰加半夏壹分，白芥子贰分，如口渴有热者，加麦冬叁分，黄芩壹分，有寒加乾姜壹分，吐加白蔻壹粒，泻加猪苓伍分，腹痛按之大叫者食也，加大黄叁分，枳实壹分，按之不呼号者寒也，加乾姜叁分，如身发热者，不可用此方。

发热

不拘早晚发热，俱用万全汤神效。柴胡 白术 黄芩 神曲（各叁分）白芍 麦冬（各壹钱）当归（伍分）茯苓（贰分）甘草 苏叶（各壹分）山查（叁个）水煎服。冬加麻黄壹分，夏加石膏叁分，春加青蒿叁分，秋加桔梗叁分，有食加枳壳叁分，有痰加白芥子叁分，吐加白蔻壹粒，泻加猪苓壹钱，小儿诸症，不过如此，不可作惊风治之，如果有惊风，加人参伍分，其效如神。凡潮热、积热、疟热，乃脾积寒热，俱用姜梨引。柴胡、人参、黄芩、前胡、秦艽、甘草、青蒿各壹分，童便浸晒乾，生地一寸，薄荷二叶，或生梨生藕一片，水煎服，甚效，感冒风寒方用 柴胡（伍分）白术 白芍（各壹钱）茯苓 炙草 半夏（各叁分）陈皮（贰分）当归（捌分）水煎热服。

惊风

世人动曰惊风，谁知小儿惊则有之，而风则无，小儿纯阳之体，不当有风，而状有风者，盖小儿阳旺内热，内热则生风，是非外来之风，乃内出之风也，内风作外风治，是速之死也，方用清火散风汤，白术 梔子（各叁分）茯苓（贰钱）陈皮 甘草 半夏（各壹分）白芍（壹钱）柴胡（伍分）水煎服，此方健脾平肝之圣药，肝平则火散，脾健则风止，断不可以风药表散之也。

惊风

凡惊风皆由於气虚，方用压风汤，人参 白术 神曲（各伍分）甘草 半夏 丹砂（各叁分）茯神（壹钱）砂仁（壹粒）陈皮（壹分）水煎服，此方治慢惊风，加黄 。

痢疾方用

当归 白芍（各壹钱）黄连（贰分）枳壳 槟榔（各伍分）甘草（叁分）水煎温服，红痢倍黄连，白痢加泽泻叁分，腹痛倍甘草，加白芍，小便赤加木通叁分，下如豆汁，加白术壹钱，伤食加山查麦芽各叁分，气虚加人参叁分。

泄泻

身热如火，口渴舌燥，喜冷饮而不喜热汤，方用泻火止泻汤车前子（贰钱）茯苓 白芍 麦芽（各壹钱）黄连 猪苓（各叁分）泽泻（伍分）枳壳（贰分）水煎服。

寒泻

此症必腹痛而喜手按摩，口不渴而舌滑，喜热饮而不喜冷水也，方用散寒止泻汤，人参 白术（各壹钱）茯苓（贰钱）肉桂 乾姜（各贰分）甘草（壹分）砂仁（壹粒）神曲（伍分）水煎服。

吐

此症虽胃气之弱，亦脾气之虚，小儿恣意饱食，不能消化，久之上冲於胃口而吐也，方用止吐速效汤 人参 白术（各壹钱）砂仁（壹粒）茯苓（贰钱）陈皮（贰分）麦芽（伍分）半夏 乾姜（各壹分）山楂（叁个）水煎服。咳嗽方用 苏叶（伍分）桔梗 甘草（各壹钱）水煎热服，有痰加白芥子（伍分）便是。

疳症

此脾热而因乎心热也，遂至口中流涎，若不平其心火，则脾火更旺，湿热上蒸，而口涎不能止，方用 芦荟 桑白皮（各壹钱）黄连 薄荷 半夏（各叁分）茯苓（贰钱）甘草（壹分）水煎服。此心脾两清之圣药也，引火下行，而疳自去矣。

口疳流水口烂神方

黄柏（贰钱）人参（壹钱）共为细末，敷口内，一日三次即愈，此方用黄柏去火，人参健脾，大人用之亦效。

疳症泻痢眼障神效方

石决明（壹两醋煅）芦荟 川芎 白蒺藜 胡黄连 五灵脂 细辛 谷精草（各伍钱）甘草（叁钱）菊花（肆钱）猪苓去筋，捣烂为丸如桐子大，每服贰拾伍丸，不拘时，米汤下。

疳疾方用

柴胡（陆分）白术 茯苓 归身（各壹钱）白芍（壹钱伍分）半夏 青皮 厚朴（各伍分）水煎成，露一宿，再温与服。热多者加人参、黄 各伍分，寒多者加乾姜叁分，痰多者加白芥子壹钱，夜热加何首乌、熟地各贰钱，日发者不用加，腹痛加槟榔叁分。

便虫方用

榧子（伍个去壳）甘草（叁分）米饭为丸，服二次，则虫化为水矣。

积虫方用

史君子（去壳炒）榧子（各拾个去壳）槟榔 甘草（各壹钱）米饭为丸如桐子大，每服十丸，二日虫出，五日全愈。

痘症回毒或疔肿方

银花（伍钱）人参（贰钱）甘草 元参（贰钱）水煎服。

痘疮坏症已黑者，人将弃之，药下喉即活，方用

人参（叁钱）陈皮 荆芥（各壹钱）蝉退（伍分）元参 当归（各贰钱）水煎服。此乃元气虚而火不能发也，故用人参以补元气，元参去浮游之火，陈皮去痰开胃，则参无碍，而相得益彰，荆芥以发之，又能引火以归经，当归生新去旧，消瘀血，蝉退解毒除风，世人何知此妙法，初起时不可服，必坏症乃可服。急慢风，三六九日一切风俱治。陈胆星 雄黄 朱砂 人参 茯苓 天竺黄 钩 牛黄 麝香 川郁金 柴胡 青皮 甘草 为细末，煎膏为丸如莞豆大，真金一张为衣，阴乾勿泄气，薄荷汤磨服。

治火丹神方

丝瓜子 元参（各壹两）柴胡 升麻（各壹钱）当归（伍钱）水煎服，又方 升麻 青蒿 黄（各叁钱）元参（壹两）乾葛（叁两）水煎服。此二方详火症，小儿用之亦效，故又出之。此方妙在用青蒿，肝胃之火俱平，又佐以群药重剂，而火安有不灭者乎。